

جَزَائِرِ مَحَاكِمَ

جمعه ایرتسی

نومرو	ذی الحجہ	سنہ	حزیران	سنہ	صحیفہ
۷۰۷	۳	۱۳۱۰	۵	۱۳۰۹	۱۰۴۲۹

(اشبوغز تہ بہر ہفتہ جمعہ ایرتسی کونلری چیقار . سنہ لکی درسعات ایچون مجیدیہ یکر می غروش)
 (حسابیلہ التمش غروشدر . طشرہ لر ایچون اون بش غروش پوستہ اجرتی ضم اولنور . بہر)
 (نسخہ سی ینہ مجیدیہ یکر می غروش اولق اوزرہ یوز پارہیہ ہر یردہ صاتیلور . درج اولنہ جق)
 (اعلا ناک ہر برندن بر مجیدیہ اخذ اولنور . سنہ لکنہ مشتری اولق استیانلر عدلیہ نظارتی)
 (دائرہ سندہ کائن جریدہ محاکم ادارہ سنہ مراجعت ایلملیدر)

قسمت سہمی

— تصحیح سہو ورقہ سی —

جریدہ محاکم (۷۰۴) نومرولی نسخہ
 سنک ۱۰۳۸۳ نجی صحیفہ سنک ایکنجی ستونک
 اون برنجی سطرندہ (استفسار واستماع قلمسی)
 یازیلہ جق ایکن مرتب سہوی اولہرق قلماسی
 یازملہ تصحیح اولنور .

(اصول انتخاب مأمورین عدلیہ قانوننہ تذیل)
 (ایدلک اوزرہ قلمہ الثان و مرعیت احکامنہ)
 (بالاسیذان ارادہ سنیہ جناب پادشاهی)
 (شرفتعلق بیورلمش اولان مواد قانونیہ)
 (صورتیدر)

برنجی مادہ قضا بدایت محکمہ سی برنجی
 کتابتنہ تعیین اولنہ جق لک لاقل ایکی سنہ مدت
 بر محکمہ نک ضبط کتابتی و اعضا ملازم لکی
 و مقاولات محرر لکی و مستنطق معاون لکی کی
 مأموریتلر دہ و یا خود اولقدر مدت سائر دوائر

واقلام عدليه ده استخدام اوله رق اخلاق واهلتياري مجرب بولنش اولسي شرطدر بو اوصافي حائر اوليانلرك امتحان اجراسي صورتيله اثر استعدادلري كوردليكي حالده دخي ذكر اولنان كتابتله انتخابي جائز دكلدر .

ايكنجي ماده اصول انتخاب قانونك اون برنجي ماده سنده كوستر يلان مرتبه اولي امتحاني طلب ايده جكلرك ايكي سنه مدت برقضا محكمه سي باش كتابتنده ويا محكمه اعضا ملازمليكيه ضبط كتابتي ومستتطق معاونلكي كي مامور يتلرده بولنش ويا واقدر مدت نظارت اقلاميله سائر دوائر عدليه ده موظفاً استخدام ايدلش ويا خود مقاولات محررلينك صورت انتخاب و تعيينلرينه دائر اولان نظامنامه نك اون اوچنجي ماده سي موجبجه اوج سنه مدت مقاولات محررلكنده خدمت ايتش اوللري و مدت مامور يتلرنده حسن حال وسيرتلي ايله دوام واقدا ملرينك منسوب اولدقلى محاكم هياتيله اقلام ودوائر ضابطان ورؤساي جانبندن و يرلش رسمي شهادتنامه ايله تصديق ايدلش اولسي شرطدر .

اوچنجي ماده اصول انتخاب قانونك اون ايكنجي ماده سنده محرر اولان مرتبه ثانيه

امتحاني طلب ايده جكلرك دوت سنه مدت درساعات محاكمي ضبط كتابتلي نظارت اقلامنده ودوائر اجرائيه معاونلكنده موظفاً استخدام اولنش و طشره لرده دخي ينه واقدر مدت ولايت ويا لوا استيناف و بدايت محكمه لري اعضا قلايله باش كتابتلرنده ومستتطقكده واجرا مامور يتلنده بولنش اوللري و مدت مامور يتلرنده حسن حال وسيرتلي ده دوام واقدا ملرينك منسوب اولدقلى اقلام ضابطانيله محاكم هياتي جانبندن باشهادتنامه تصديق قلمسي مشروطدر .

(في ۲۷ ذى القعدة سنه ۳۱۰ و في ۳۱ مايس)
(سنه ۳۰۹ تاريخنده بالجله ولايات استيناف)
(محكمه سي مدعي عموميلرينه ومدعي عمومي)
(بولنيان محاللى مدعي عمومي معاونلرينه يازيلان)
(تحريرات عموميه صورتيدر)

قضا بدايت محاكمي برنجي كتابتنه انتخاب

وتعيين اوله جقلر ايله مرتبه اولي و ثانيه ده امتحانه قبول ايديله جكلرك اوصافى ميين اولقى اوزره مامورين عدليه نك اصول انتخاب وتعيينلرينه دائر اولان قانوننامه يه ذيلاً قلمه النوب مرعيت احكامنه اراده سنه حضرت پادشاهي شرفتملق بيور يلان مواد نظاميه نك صورتى لفاً تسير صوب شريفلى قلمش اولغله موجبجه معامله ايفا ايدلك اوزره لازم كلانلره اجرائى تبليغات ايدلنى و بعدما منحل وقوعنده ذيل مذكور احكامنه توفيق معامله اولمسي خصوصه همت ايلملري .

(في ۲۵ ذى القعدة سنه ۳۱۰ و في ۲۹ مايس)
(سنه ۳۰۹ تاريخنده بالجله ولايات استيناف)
(محكمه سي مدعي عموميلرينه ومدعي عمومي)
(بولنيان محاللى مدعي عمومي معاونلرينه يازيلان)
(تحريرات عموميه صورتيدر)

طقسان طقوز سنه سي نهايته قدر كچمش

قسم غیر رسمی

طلبیدن عبارت بولنشدر .

ایجابی مذاکره اولدوقده مندرجات اعلامدن
مستبان اولدینی اوزره دعوای واقعه عقاره
متعلق اولدینی حالده منازع فیه خانه یه کیمک
طرفندن وضع ید اولندیغک بالینه اثبات
ایتدیرلامسی و خانه مذکورک فاطمه دن النان
حصه سی حقنده طرفینک اقدججه محلی محکمه
شرعیه سنده جریان ایدن محاکمه لرنده طوتیلان
ضبط ورقه سی مندرجاته بنای حکم اولنش ایسه ده
ورقه مذکورده نک و نائق شرعیه نک صورت
تنظیمه دائر اولان تعلیمات سنییه موافق و طرفینک
امضا و یامهر لر یله مصدق اولوب اولدینی حقنده
تدقیقات لازمه اجرا سیله تبیین ایده جک حاله کوره
معامله اولنقی مقتضی ایکن بویولده اجرای تدقیقات
اولنقسزین ورقه مذکورده محرر اقراره بنای
حکم ایدلسی مغایر قانون اولدیغنه بناء اصول
محاکمه حقوقیه قانون موقتک ایکوز قرق برنجی
ماده سی موجبجه اعلام مذکورک تفضیله قانون
مزبورک ایکوز قرق دردنجی ماده سنه توفیقاً
کیفیتک یکیدن بارؤیه اعلامه ربطی ضممنده
محکمه مذکوریه اعاده سنه وز یرده مفراتی مرقم
درتوز طقوز یحق غروش مصارف تمیزیه نک

(اماسیه بدایت محکمه سنندن ۱۱ مارت)
(سنه ۳۰۷ تاریخی و یتیش یدی عددی ایله)
(ویریلان اعلامک مابعدی)
و مرقوموندن وارتر یسک اخیراً وقوع و قاتیله
منزل مذکورده اولان حصه سنک دخی مدعی
مغر ایله مرقوم اصادوره انتقال ایدرک بناء علیه
خانه مذکورده سکسان درت سهم اعتبار یله
مرقومان مغر و اصادورک اوتوزدرت سهم حصه
لری بولنش اولدیغندن بختله حکم ابتدائی
مذکورک تصدیقه قرار ویرلدیکندن و مستدعی
تمیزک اشبو اعلام علیه نه لایحه سنده محرر
اعتراضاتک خلاصه سی منازع فیه خانه ده مرقوم
مغرک برکونه حق و علاقہ سی اولدینی حالده
محکمه جه لایقيله تدقیقات لازمه اجرا اولنقسزین
برمنوال محرر حکم اولنسی مغایر قانون اولدیغندن
بختله اعلامک تقضی استدعاسندن و میز علیه
نتیجه جوابی دخی حکم واقع اقرار و شهادته مبتنی
و موافق قانون بولندینی بیانیه اعلامک تصدیق

ایلروده حقسز چیقہ جق طرفه رجوع ایتمک
اوزره اول امرده مستدعی تمیزدن اخذینه
۸ کانون اول سنه ۳۰۸ تاریخی حقه متفقاً قرار
ویریلرک قهیم قلندی .

بولدان بدایت محکمه سنندن ۶ کانون اول
سنه ۳۰۷ تاریخی و یوز یکر می ایکی عددی ایله
ویریلان اعلامک تمیزی استدعا ایدن بولدان
قضاسنک عرب الیاس محله سنده مقیم طومبای زاده
حاجی ابراهیم آغا و کیلی احمد رفیق افندی یوم معینه
دائره کله رک میز علیه مالیه خزینه جلیله سی
طرفندن بروکیل ورود ایتدیکندن یالکر وکیل
مومی الیهک ایضاحات شفاهیه سیله باش مدعی
عمومی معاونلرندن سعادتلو بورغا کی افندی نک
مطالعہ سی استماع اولدوقدن صکره تدقیقات تمیزیه
اجراسنه ایتدار قلندی .

اعلام مذکورک خلاصه مالی بولدانه مضاف

یکجه قریه سنک اوچیوزدرت سته سی اعشار
ملتر می جفال علی اغانک مال صندوقه اولان
دینک تأمین استیفاسی ضممنده محجوز اولان قریه
مذکورده واقع معلوم الحدود التمش دوئم برقطه
ترلاسی عندالمزایده التي بیک غروش بدل ایله
مرقوم حاجی ابراهیم آغا عهده سنده تقرر ایلمش
اولدینی حالده مرقوم حاجی ابراهیم آغا مذکور
ترلابی المقدن نکول ایدرک تکرار اجرا قلنان
ایکنجی مزایده ده ایکی بیک ایکوز غروشله
طالب آخزینه حاله اولنهرق بدل مزایده اولیه دن
نقصان ظهور ایدن اوج بیک اوچیوز غروشک
تأمین استیفاسی ضممنده مرقوم حاجی ابراهیم اغانک
مالی اولان بالیه ایلیکه وضع اولنان حجزک
تصدیقیه مبلغ متباقی مزبورک تحصیل خزینه
مشار الیهایه اضافتله بولدان مال مدیری طرفندن
طلب و ادعا اولنسی اوزرینه محکمه جه اجرا
قلنان محاکمه نتیجه سنده مذکور ترلانک اولجه
بالمزایده التي بیک غروش مقابلنده مرقوم ابراهیم
آغا عهده سنده تقرر ایتدکدن صکره المقدن نکول
ایلدیکی اجراء اثره سی قرار یله ثابت اولدینی بیانیه
امول نقوله نک فروختی حقنده اولان نظامنامه نک
اوننجی ماده سی موجبجه اوج بیک اوچیوز
غروشک مرقوم حاجی ابراهیم آغان تضمین

اولدینی بیانندن عبارت بولنمشدر .

ایجابی مذاکره اولندقدده اعلام مذکور
مأئندن مستبان اولدینی اوزره مذکور ترلانک
عندالمزایده مرقوم حاجی ابراهیم اغا عهده سنده
تقرر ایتیش اولدینی حالده المقدن امتناع ایتیمسه
مبنی بتکرار بالمزایده شخص آخره احاله قلمش
اولسنندن طولانی بدل مزایده اولیه دن نقصان
کورینان مبالغت تحصیلنه حکم اولنمش ایسه ده
مرقوم ابراهیم اغانک ذکر اولنان ترلای تفرغدن
سبب و صورت امتناع و نکولی استیضاح و تحقیق
واجرا دائره سندن دخی بالسؤال متن اعلامه درج
و تمیق قلنهرق حاصل اوله جق نتیجه کوره حکم
ابدلک لازم کلورایکن محکمه مرقومه جه بویوله
اجرای تدقیقات اولنمشیزین مجرد مرقومک امتناع
ونکولندن بخله مبلغ مدعا بهک تحصیلنه حکم
اولنمش تدقیقاتجه نواقصدن محدود کورینه رک
بولسز و اصول و قانونه مغایر و مستدعی تمیز
وکیلک اعتراضی دخی بوجهته متدائر اوله رق
موافق نفس الامر کورندیکنه بناء اصول محاکمه
حقوقیه قانون موقتک ایکوز اتوز ایکنجی
ماده سی موجبجه اعلام مذکورک نقصیه قانون
مربورک ایکوز قرق دردنچی ماده سی حکمنه توفیقاً

و تحصیلیه مال صندوقه تسلیمنه حکمدن واشبو
اعلام علیه نه مستدعی تمیز وکیلک باشاوجه
اعتراضاتی مذکور ترلا عندالمزایده التي بیک
غروش مقابلنده موکلک عهده سنده تقرر ایتیش
ایکن المقدن نکول ایتدیکنه دلیل اتخاذ قلنان
اجرا دائره سی قرارینک عندالمحاکمه اراده
اولندینی کبی عیناً و یا خود خلاصه اعلام
مذکورده دخی درج و تمیق قلمامی مغایر قانون
اولدینندن بخله اعلامک نقضی استدعا سندن
ومدعی علیه خزینة مشارالیهایه اضافتله محلی مال
مدیری معاونتک اعطا ایلدیکی لایحه ده مندرج
نتیجه جوابی اعتراضات مسروده نک غیر وارد
اولدینی بیانیه ردی و موافق اصول و قانون اولان
اعلامک تصدیق طلبندن و معاون مومی الیهک
مطالعہ سی دخی دعوای واقعہ نک اساسی حجز
دعواسی اولدینی حالده حجزک قانون دائره سنده
اجرا اولنوب اولندیننک اول امرده تعیینیه
اساس ماده نک یعنی ضرر و زیان اعطاسنه محل
اولوب اولدیننک تدقیقه کیر یشیلهرک حاصل
اوله جق نتیجه کوره حجزک تصدیق و یا فیکنه
قرار ویرلک لازم کلورایکن حجز ضرر و زیانک
منشائی خصوصاً رینک تدقیقندن ذهول ایدلش
اولسننه مبنی اعتراضات واقعہ نک موافق قانون

فلارونک ایضاحات شفاهی سیله باش مدعی عمومی
معاونلندن سعادتلو یورغا کی اقدینک مطالعه سی
استماع قلندی .

مذکور اعلامک حکمی مرقوم نیقوله
چاقونک امره محرر برقطعه سند موجبجه
الاجنی اولان ایکی بیک غروشک مرقوم
نیقوله دن تحصیل و اوله مدینی حالده اولبابده
مرهون اولان برقطعه . فروختیه اتمانندن
تسویه دین ایتدیرلمسی حکمی متضمن ساقز
تجارت محکمه سندن غیاباً صادر اولان اعلامک
تصدیقه قرار ویرلدیکندن و مستدعی نیقوله نک
حکم مزبور علیه نه کی اعتراضاتک خلاصه سی
مستند ادعا اولان سنده موضوع امضا حقنه
اصول محاکمه نک ماده مخصوصه سی موجبجه
تدقیقات مقتضیه اجرا اولنماسی مغایر قانون
اولدینندن بخله اعلامک نقضی استدعا سندن
ومدعی علیه لایحه سنده محرر نتیجه جوابی دخی
حکم ابتدائی موافق قانون بولندیقنه مبنی اعتراضات
واقعہ نک ردیه اعلامک تصدیق طلبندن عبارت
بولنمشدر .

ایجابی لدی المذاکره تمیز اولنان اعلامده

کیفیتک صورت مشروحه دائره سنده بالرؤیه
اعلامه ربطی ضمننده محکمه مذکوریه اعاده سنه
وزیرده مفرداتی مرقم درتیوز یکرمی طقوز بچق
غروش مصارف محاکمه نک ایلروده حقسنز
حقیقه جق طرفه رجوع ایتک اوزره اول امرده
مستدعی تمیز حاجی ابراهیم اغادن النسخه
۱۳ کانون ثانی سنه ۲۰۸ تاریخنده متفقاً قرار
ویریلهرک تفهیم قلندی .

ساقز تجارت محکمه سندن ۲۲ تشرین ثانی
سنه ۳۰۱ تازیخی واللی بر عددی ایل ویریلان
اعلامک تمیزینی استدعا ایدن ساقز جزیره سنده
قسطنی اختی قریه سنده مقیم نیقوله فلارو ایل
مدعی علیه قریه مذکورده ساکن نیقوله
چاقونک اوراقی مطالعه و لایحه سنده مندرج ادعا
وافاده لرینی ایضاح ایچون تعیین اولنان کونده
مدعی علیه اجابت ایتدیکندن یا لکن مستدعی نیقوله

۱ اغستوس سنه ۳۰۸ تاریخی و اوزیدی
عددی ایل و یریلان اعلامک تمیزی استدعایدن
اسکیشهر قصبه سنده مقیم عطاءه اوغلی حسنک
وکیلی نظیف افندی ایله تمیز علیه قصبه مذکورده نک
باشا محله سنده مقیم حامیو افندی وکیلی سیلوستروس
افندی نک یوم عینده ایضاحات شفاهیه لریله باش
مدعی عمومی معاونلردن سعادتلر یورغاکی
افدینک مطالعه سی استماع قلندقدن صکره تدقیقات
تمیزی به اجرا سنده ایتدار اولندی .

اعلام مذکورک خلاصه مالی مرقوم حسن
ویرمش اولدینی لوله طاشی اتمانندن طسولانی
مزبور حامیو افندی ذمتده الاجنی اولان درت
بیک بشیوز التمش غروشک تحصیلی طلب وادعا
ایتمش ایسده مدعی مرقومک مبلغ مذکور
مرقوم حامیو افندی دن اخذوقبض ایتمش اولدینی
مزبور حامیو افندی طرفندن ابراز ایدیلان دفتر
مندرجاتیله ثابت ودفتر مذکور ایسه محله نک بیک
یدیوز اوتوزالتنجی ماده سی موجبجه شبهه تزویر
و تصنیعدن سالم بولندیغه منی تجارت قانونک
سکرنجی وطقوزنجی ماده لرینه توفیقاً مدعی
مرقومک رد ادعاسنه قرار ویرلایکندن و مستدعی
تمیز وکیلک اشبو قرار علیهنده باشلوجه

محور جریان محاکمه نظراً سند منازع فیهدکی
امضاتک تدقیقی ایچون تعیین اولنان بمیزلر اصول
محاکمه نک تطبیق خط و خاتم فصلنه توفیقاً اوچ
کشیدن مرکب اوله رق اجرای تدقیقات ایتمی
لازم کلور ایکن مذکور امضاتک ایکی کشی طرفندن
تدقیق ایدلسی اساس دینک مرقوم نیقوله چاقویه
حواله اولنه رق رهنک دخی انتقالیله فروختنه
مساع بولندیغه دائر بر ماده قانونیه تمسک
اولنامسی مخالف قانون اولدیغه بناء اصول
محاکمه نک ایکوز قرق برنجی ماده سی موجبجه
اعلام مذکورک نقضیله کیفیتک یکیدن رؤیتی
ضمننده محکمه مذکوریه اعاده سنه وزیرده
مفرداتی مرقم اوچوز طقسان طقوز بچق غروش
مصارف محاکمه نک ایلروده حقسز چقه جق طرفه
رجوع ایتمک اوزره اول امرده مستدعی مرقومدن
السنه ۲۳ شوال سنه ۳۰۵ تاریخده متفقاً قرار
ویریلرک طرفینه تفهیم قلندی .

اسکیشهر بدایت محکمه سی تجارت قسمندن

کوریته رک رد ایدلدکن صکره اساس ماده نک
تدقیقه کیریشلده مدعی حسنک درمیان ایتمش
اولدینی مطلوبات ادعاسنه قارشو مزبور حامیو
افندی جانبندن مدافعه سرد و اتیان اولنان تسلیات
ادعاسی حقه ده اصولاً تدقیقات لازمه اجرا سیله
مدعی علیه مرقومه اثبات مدعا ایتدیرمک
وایده مدیکی حالده طلیله خصمنک امر تحلیفی اجرا
قلنمق صورتیله دفع مذکورک فصل وحلی
لازمه دن ایکن محکمه مذکورجه بویولده اجرای
معامله اولنیهرق مدعی علیه ک ابراز ایتمش اولدینی
دفتره بناء دعوی مذکوریه تعلق وشمولی
اولیان محله نک بیک یدیوز اوتوزالتنجی ماده سنه
یاککش معنی ویریلرک مدعینک رد ادعاسنه قرار
ویرلسی اصول وقانونه مغایر و مستدعی وکیلک
بوجه تارمه متدائر اولان اعتراضی موافق نفس الامر
کورلایکینه بناء اصول محاکمه حقوقیه قانونک
ایکیوز اوتوز ایکنجی ماده سی موجبجه اعلام
مذکورک نقضیله قانون مذکورک ایکوز قرق
دردنجی ماده سی حکمنه توفیقاً کیفیتک یکیدن
بالرؤیه اعلامه ر بطی ضمننده محکمه مذکوریه
اعاده سنه وزیرده مفرداتی مرقم اوچوز طقسان
طقوز بچق غروش مصارف تمیزی نک ایلروده
حقسز چقه جق طرفه رجوع ایتمک اوزره اول

اعتراضاتی دعوی واقع نک مزبور حامیو افدینک
موکلندن المش اولدینی اشیا اتمانندن متولد اوله رق
مرجع رؤیتی حقوق محکمه سی اولدینی حالده
اسکیشهر بدایت محکمه سنجه تجارت صفتیله فصل
اولنسی و حکم واقع تطبیق اولنان محله نک ماده
معلومه سنک دعوی مذکوریه شمولی یوگیکن
ماده مذکوریه توفیق حکم ایدلسی مغایر قانون
اولدیغندن بخله اعلامک نقضی استدعا سندن
ومدعی علیه وکیلک نتیجه جوابی دعوانک
تجارت صفتیله رؤیتی وظیفه داخلنده و حکم
مذکور بین التجار معتبر اولان دفتره مستند
اوله رق موافق قانون بولندیغنی بیانیه اعلامک
تصدیق طلبندن و معاون مومی الیهک مطالعه سی
دخی دعوی مذکور لوله طاشی اخذواخطا سندن
متولد و معاملات تجارتیه به متفرع اولسنه منی
تجارت محکمه سنجه رؤیتی وظیفه داخلنده اولدینی
بیانیه اولیایده درمیان اولنان اعتراضک موافق
قانون کوریه مدیکی بیانندن عبارت بولنشدر .

ایجابی مذاکره اولندقدن مندرجات اعلامدن
مستفاد اولدینی اوزره اول امرده مستدعی تمیزک
وظیفه حقه ده درمیان ایلدیکی اعتراضی لدی التدقیق
معاون مومی الیهک مطالعه سی وجهله غیر وارد

امردہ مستدعی تمیزدن اخذینہ ۲۵ قانون ثانی
سنہ ۳۰۸ تاریخندہ متفقاً قرار ویریلہ رک نفہم
قلندی .

اینہ گول بدایت محکمہ سندن ۲۲ قانون اول
سنہ ۳۰۷ تاریخ ویز اون عددی ایلہ ویریلان
اعلامک تمیزی استدا ایدن اینہ کولہ تابع بلال
قریہ سی اہالیسندن بیرام اوغلی مصطفی ایلہ مدعی
علیہ زراعت بانکہ سی وکیلی اوخانس افندیکنک
یوم معینہ ایضاحات شفایہ لیلہ باش مدعی عمومی
معاونرندن سعادتلو بورغاکی افندیکنک مطالعہ سی
استماع قلندقدن صکرہ تدقیقات تمیزیہ اجرا سنہ
ابتدار اولندی .

اعلام مذکورک خلاصہ االی مرقوم مصطفی
ورققاسنک زراعت بانکہ سندن استقراض ایتیش
اولدقلری مبالغ معلومہ دن تسلیات واقعہ سی بالتزیل
مع فائض متباقی اوچ بیک یدییوز طقوز غروش

یکرمی پارہ نک مرقوم مصطفادن تحصیل حکمنی
حاوی محکمہ مذکورہ دن صادر اولان اعلام
غیابی علیہندہ مرقوم مصطفی اعتراض علی الحکم
عرضحالی اعطا وکندوسی مبالغ مستقرضہ دن
حصہ سنہ اصابت ایدن اقچہ بی مع زیادہ ایضا
ایلدیکی جہتلہ برکونہ بورجی قالدیغنی بالیان حکم
غیابی مذکورک فسختی طلب وانبا ایتیش ایسہ دہ
مبلغ مذکور معترض مرقوم ایلہ رفقاسی طرفلرندن
مشترکاً وکفالت متسلسلہ ایلہ تدین ایدیش
اولدینی اولبابدہ ابرازایدیلان دین سندی مدلولیلہ
ثابت اولسنہ بناء عرضحال مزبورک ردیلہ حکم
غیابی مذکورک تصدیقہ حکمدن مستدعی تمیز
مرقوم مصطفانک اشبو قرار علیہندہ لایحہ سندنہ
محرر باشلوجہ اعتراضی مبلغ مدعا بہک حصہ لیلہ
کورہ ہر برسندن آرو آرو مطالبہ ایدلسی
مقتضی ایکن محکمہ جہ بوراسنہ دقت اولنہ ررق
مجموع دینک کندوسندن تحصیانیہ قرار ویرلمسی
مغایر قانون اولدیغندن بختلہ اعلامک تقضی
استدعاسندن ومدعی علیہ اولان بانق وکیلی
اوخانس افندیکنک نتیجہ جوابی مبلغ مدعا بہک
کفالتی حسیلہ مرقوم مصطفادن طلب ایدیش
وبناء علیہ اولبابدہ کی حکم ابتدائیک موافق قانون
بولنیش اولدینی بیانیلہ تصدیق طلبندن ومعاون

مومی الیہک مطالعہ سی دخی مدعا بہ اولان اقچہ
برقاچ کشی طرفندن استقراض اولنیش ایسہ دہ
بولنرک یکدیگریہ کفیل بالمال اولدقلری اعلام
معترض فیہندہ مصرح اولدینی جہتلہ ہر بری
مجموع دین ایلہ مواخذہ اولنہ بیلہ جکریہ منی
اعلام مذکورک موافق قانون اولدینی
بیانندن عبارتدر .

ایجابی لدی المذاکرہ اعلام مذکور مطالعہ
سندن اکلاشلدینی اوزرہ محکمہ جہ مبلغ مدعا بہک
کفالتی جہتلہ مرقوم مصطفادن تحصیل تحت
حکمہ النش ایسہ دہ مزبور مصطفانک دین مدعا
بہدن کندی حصہ سنہ اصابت ایدن مقداری تأدیہ وایضا
ایلدیکی بالیان رققاسنہ کفالتی منکر اولسنہ کورہ
مبلغ مذکورک طولابی مدیونلرک کفالت
متسلسلہ ایلہ کفیل اولوب اولدقلرینک تدقیق
ومدار حکم اتخاذ ایدیلان دین سندینک دخی
عیناً ویاخود خلاصہ اعلام ممیزیہ درج وتبقی
قلنسوی لازمکیرایکن محکمہ مذکورہ جہ بورالریہ
دقت اولنہ ررق برمنوال محرر قرار ویرلمسی مغایر
قانون اولدیغنے بناء اصول محاکمہ حقوقیہ قانوننک
ایکیوز قرق برنجی مادہ سی موجبیجہ اعلام
مذکورک نقضیلہ قانون مزبورک ایکیوز قرق

قرہ سی بدایت محکمہ سندن استینافاً ۱۸ مارت
سنہ ۳۰۱ تاریخ وایکی عددی ایلہ صادر اولان
اعلامک تمیزی کر قصبہ سندنہ مقیمہ میکدہ جی
یمانندی قزی مار یغو قادین با عرضحال استدا
ایتدیکی حالہ تعیین قلنان کوندہ دائرہ یکدیکنندن
مدعی علیہما ایوالق قصبہ سندنہ مقیم متوفی دسینو
قادین اوغلی اطناش وقزی خریفیلہ قادین وکیلی
ژان کساریدی افندیکنک ایضاحات شفایہ سی
استماع قلندی .

اعلام مذکورک خلاصه مالى من بوره
مار يغو قادين والده سنك كندوسنه جهاز اوله رق
هبه ايلديكي كمر قصبه سنك محكمه محله سنده كان
بر باب عرق فابريقه سيله بر باب خانه سى پدري
يماندى طرفندن ابوالقلى ميخال اوغلى نيقوله به
ايكيوز اوتوز اوج عدد ليراي عثمانى دينى مقابلنده
وفاء بيع وترهين ايدلك اوزره اولديغندن بختله
منى فروختى كمر قضاسى بدايت محكمه سنده طلب
ودعوى ايتمش ايسه ده ادعاى واقعى مثبت احتجاجة
صالح بركونه اوراق رسميه ابراز ايده مامش
ومر قوم يماندينك املاك مذ كور دينى مقابلنده
ترهين ايلديكي سند مخصوص وحجج شرعيه
مندرجاتى ايله ثبوت بولمش اولديغنه بناءً بجهلنك
بيك التى بوزاللى طقوزنجى ماده سنك فقره اوليسى
حكمنه توفيقاً رد ادعاسنه دائر صادر اولان اعلام
حكمنه من بوره مار يغو قادين عدم قناعتله قره سى
بدايت محكمه سنه مراجعتله استيناف دعوى ايتمش
اوزرينه عندالاستيناف اعلام ابتدائينك فسجيله
املاك منازع فيهمانك واضع يد حقنده استماع اولنان
شهودك اجراى تزكيه لرينه مبادرت اولتمش
ايسه ده مستأنفه من بوره نك التى آى تعقيب دعوى
ايتديكنه مبنى مستأنف عليها وقوع بولان
استدعاسى واصل محاكمه حقوقيه قانوننك يوز

طقسان دردنجى ماده سى موجبجه استيناف
دعواسنك سقوطنه قرار ويرلديكندن ومستدعيه
مار يغو قادينك اشبور قرار عليه نكي اعتراضاتنك
باشلوجه سى محكمه استينافيه جه اعلام ابتدائينك
فسجيله دعواى اساسيه نك رؤيته ابتداز اوله رق
استماع ايديلان شهودك اجراى تزكيه لرينه قرار
ويرلش وتعقيب دعوى ايچون قانوناً تعيين اولقان
مدت مستوره به جواب ورودندن اعتبار ايدلك
مقتضى بولمش ايكن استدعا تاريخندن حساب
ايدلسى وخصمنك استدعاسى اوزرينه كندوسنك
جلب ودعوت اولنامسى مغاير قانون اولديغندن
بختله اعلامك نقيضى ومدعى عليها وكيلى زان
كساريدى افندينك نتيجه جوابى دخى اعلام
استينافى التى ١٠ اه مدت بلا عذر تعقيب دعوى
ايدلديكنه بناءً سقوط دعوى قرار يني حاوى
واعتراضات مسروده نك واهى ايدوكى بيانيله
اعلامك تصديق طلبندن عبارت بولمشدر .

ايجابى لى المذاكره اعلام مذكور . ائندن
منفهم اولدينى اوزره من بوره مار يغو قادينك
املاك مرهونه حقنده كى ادعاسنك ردينه دائر
بدايةً ويريلان قرارى استيناف ايتمش اوزرينه
عندالاستيناف استماع اولنان شهودك اجراى

تزيكه لرى ضمننده يوم آخره تعليق كيفيت ايدلش
اولسنه كوره تعقيب دعوى حقنده تعيين اولنان
مدت تزكيه معامله سنك ختام يري اولمسيله
طرفينك اجراى محاكمه سنه استعداد وحصولندن
يعنى مستوره به جواب ورودندن اعتباراً حساب
ايدلسى لازم كلور ايكن امر تزكيه به قرار
ويرلديكى تاريخندن حساب ايديلهرك التى آى مرور
ايتديكنه بناءً سقوط دعوايه قرار ويرلسى
ومستأنف عليها استدعاسى اوزرينه طرفينك
محكمه استينافيه كلوب كلكلرينك اعلامده
تصريح قلماسى اصول وقانونه مغاير اولديغندن
اصول محاكمه حقوقيه قانوننك ايكيوز اوتوز
ايكنجى ماده سى موجبجه اعلام مذكورك نقصنه
وز برده مفرداتى مرقم ايكيوز طقسان بر بحق
غروش مصارق محاكمه نك ايلروده حقسنر
چيقه جق طرفه رجوع ايتك اوزره اول امرده
مستدعيه مار يغو قاديننك التمسنه ١٨ ايلول
سنه ٣٠٥ تاريخنده متفقاً قرار ويريلهرك وكيل
مومى اليه تفهيم قلندى .

معورة العزيز بدايت محكمه سنندن ٦ مايس
سنه ٣٠٨ تاريخى واون طقوز عددى ايله استينافاً
صادر اولان اعلامك تميز يني استدعا ايدن عربك
قصبه سنك شاغل اوشاغى قريه سنده مقيم زراعندن
على و ابراهيم ومصطفى اغالر ايله ميزعليهمدن قصبه
من بوره نك يكيجه سفلا محله سنده ساكن متوفى
ابراهيم افندى ورثه سنندن حفيده لرى فاطمه
ونازلى خاتمر كليوب بالكر متوفى من بورك
حفيده نورى بك وكيلى شوكت افندينك ورود
ايتمش اولمسيله ايضاحات شفاهيه سى استماع قلندقدن
صكره تدقيقات تميزه اجراسنه ابتدار اولندى .

اعلام مذكورك خلاصه مالى ورثه
مرقومه نك مورثلى متوفى ابراهيم افندينك
شخص آخردن تفرغ ايلديكى اونبر قطعه ترلا
ايچون طابو سنداتى ايله معمورة العزيز وعربك
محكم شرعيه سنندن ايكي قطعه اعلام شرعى
ومذكور عربكردعاوى مجلسندن برقطعه مضبطه
استحصال ايدرك ذكر اولنان ترلالره تصرفى
متحقق بولمش ايكن زبوح ناحيه سى اهالي سنندن
مصطفى وحسين وحاجو مذكور ترلالرى غصب
ايدوب بر مدت مورثلى مومى اليه ابراهيم
افندى يي تصرفندن منع ايلمش اولدقلى كى

اعلان

تجاردن کچه جی حاجی احمد افندینک مر جانده
کلید خاننده کی او طه سینه تونل حفر یله بالدخول
قاصه سنی شکست و اقیچه سیله مجوهراتی سرقت
ایتمردن طولانی متهم اولوب فرارده بولنان
اورته بویلی الا کوزلی صاری قاش و صاجلی
بیاض چهره لی بک اوغلنده طونلک اوست باشنده
حوض قارشوسنده ایکی نومرولی دکانده قهوه جی
تابی اون سکر یاشنده استراطی واورته بویلی
الا کوزلی مطروش چکلی صاری قاش و صاجلی
صاریشین وجهلی کلید خاننده قومیسینجی
یازمیسی یکر می بش یاشنده یانی واوزون بویلی
مائی کوزلی وچکه سنده التیام بولش یاره بولنوب
صاری قاش و صاجلی ضعیف صاری قاتسز وجهلی
کلید خاننده قومیسینجی خایم قوفیا الان الله
ایدیله مامش اولدقلرندن اصول محاکات جزائییه
قانوننک اوچبوز یتش برنجی ماده سینه توفیقاً
وتاریخ اعلاندن اعتباراً فراری مرقومونک
محکمه یه کلری ضمنتده مقام ریاستدن اون کون
مهل ویرلش اولمغله مدت مذکوره ظرفنده

مرقومک وقوع وفاتلری اوزرینه اوغللری
من بوردن و ابراهیم و علی دخی کافی السابق
غصب ایله کندولرینی تصرفدن منع ایلمش
اولدقلرندن بمثلله اراضی مذکوره نك استردادینی
عربکیر بدایت محکمه سینه مراجعتله طلب و دعوی
ایتملرینه قارشو مدعی علیهم مرقومونه دخی
مذکور اونبر قطعه ترلایه متوفی پدرلری حاجو
و عمو جهرلی مصطفی و حسین سنین و فیره دنبرو
تصرف ایدرک حق قرارلری ثابت اولمغله ناملرینه
طابو سنداتی ویرلدیکنی و عمو جهرلی مرقومانک
حصه لری دخی دیگر اراضی ایله مبادله ایدیلرک
مذکور اونبر قطعه ترلا تمامها کنندی عهده
تصرفلرنده بولدیغنی مدافعه درمیان ایتملری
اوزرینه محکمه مرقومه جه اجرا قلنان تدقیقات
نتیجه سنده دعوی واقعه مغضوب اراضینک
استردادندن عبارت اولمسته نظراً بمجله نك بیک
یدیوز الی دردنجی ماده سنده کوسترلیدیکی وجهه
ذی الیدلکک بالینه اثباتنه لزوم کور یله مدیکی
مابعدی وار

کلدکلی تقدیرده قانونه اطاعت ایتمامش نظر یله
باقیله رق محاکمه غایبه لری بالاجرا حقوق مدنیهدن
اسقاط و امواللری حجز ایدیلرکی و بوبابده
برکونه دعوی اقامه سینه حقلری اوله میه جنی کی
بولندقلری محلی بیاتلر خبر ویرمه و بالمله ضابطه
عدلیه مأمورلرینک کندولرینی طومتغه مجبور
اولدقلری بیانیه اعلان کیفیت اولندی .

فی ۱ حزیران سنه ۳۰۹

فی ۲۷ مایس سنه ۳۰۹

متوفاه شریفه حفیظه نظیفه خانم ورثه سنک تبعه
دولت علیه نك روم ملتی نسوانندن ماریوره
ذمتنده قسمت عسکری محکمه سندن ویریلان
۱۰ رمضان سنه ۹۹ تاریخی برقطعه ادا نه حجتی
موجبجه الاجنی اولان مبالغ معلومه نك تأمین
استیفاسی ضمنتده مدیونه مرقومه نك عهده سنده
اولوب مرهون و فروختی محکوم بولنان استیه
ناحیه سینه تابع طرابیه قریه سنده اروز زقاغنده
واقع اوچ نومرو ایله مرقم برباب ملک منزل
بولندن اقدام مزایدیه قونیلررق لیرایوز غروشدن
بیک یوز غروشی بدل ایله طالبی اوزرنده تقرر

متوفی اوسب افندی ورثه سندن اندون بک
ایله نیکدار خانک اه ویردی تره زون خانم اولان
غیر از استیفا قصور دینلرینک تسویه سیچون
قاضی قریه سنده بهاریه زقاغنده معلوم الحدود
اوچ قطعه سندله تصرف اولنور اون سکر دوم
مع کوشک باغک باحجت شرعیه تصرف اولنور
مع کوشک طقوز دوم محاکک مدیونلره ترکیه
دیگر برقطعه سندله تصرف اولنور سکر بیک
اوچبوز اونبر زراع مقاطعه لو وینه برقطعه سندله
تصرف اولنور الی دوم مقاطعه لو محاکک بر موجب
حریطه بالمزاید فروختی مقرر اولدیغندن

ایتمش اولدیغندن یوزده بش ضمیمه بوندن دهها
زیادهیه طالب اولنلرک اشبو تاریخ اعلاندن اعتباراً
اوتوز برکون ظرفده درسعادت اعلامات
شرعیه اجرا دائره سینه مراجعت ایلملری ومدت
مذکوره ختامندن صکره منزل مذکور تقرر
ایده جک بدل ایله طالعیه عهده سینه معامله
فراغیه سی اجرا قلنه جینی دائره مذکوره دن
اعلان اولنور .

فی ۳۱ مایس سنه ۳۰۹

امینه نصیب خانم افندینک درسعادت بدایت
محکمه سی ایکنجی حقوق دائره سندن استحصا
ایلدیکی برقطعه اعلام موجبجه محمد عزیزاغا ایله
ذلیخا وعزیمه خانم زمتلرنده الاجنی بولنان
مبالغ معلومه نك تأمین استیفاسیچون مدعی علیهمک
مورثه لری متوفاه شریفه رقیه خانمک عهده سنده
اولوب ورثه مومی الیهمه انتقال ایدن وفروختی
طرفینک موافقیله قرارلشدیر یلان ارن کوینده
قوز یتاغنده واقع یکریمی ایکی دونم عرصه اوزرینه
مبنی کارکیر وحولیسی مرمر دوشه لی فوقانی

وتحتانی اونبر اوطه وایکی صفه وتحتنده کیر
بودرومی حاوی حرم دائره سی وایکی اوطه یی
حاوی سلاملق دائره سی دروننده سکره دونم
مقداری باغچه و برانبار و برآخور و برهر بهلق
و بر قوشوم اوطه سی و بر مطبخ مع اوطه و بر
حمام و بر بوستان قیوسی واون دونم مقداری
محله بش سنه لک باغ و یارم دونم مقداری
انکنارلق و بش بچق دونم مقداری حالی باغ محلی
ودرت عدد کیر دوکمه فنار و بیکی متجاوز اشجار
مثمره واوروپا کاری اشجار غیرمثمره و کیرایکی
عدد حوضی حاوی اولوب جوانب اربمه سندن
برطرفی قوز یتاغی جاده سی و برطرفی رفقی پاشا
حضر تلیرنک کوشکی و برطرفی علیه خانم افندینک
باغ وکوشکی واطرافی کاملاً طاش دیوار ایله
مخاط برقطعه کوشک ایله باغ تمامک تاریخ
اعلاندن اعتباراً اون بش کون صکره بالمزایده
فروخته تشبث اولنه جینی درسعادت اعلامات
نظامیه اجرا دائره سندن اعلان اولنور .

فی ۳۱ مایس سنه ۳۰۹